



Gupiyicak Cithi

September/October-2023

Joto Arch Bishop ko ar Bishop ko, Naeke ko, ar Deacon Father ko, Bhage Sombad Poporcar ko, ar Order of Sister ko ar goṭa dharti re henak ko Believers Eastern Church ren biswas ko Baba, Hopon ar Sonot Jiu nutum te bhor ar johar ge. Amen!

Masi re in ren dularia ko,

Rup pheraoen reak porob okte re, abo bon disa ucuyena je aboak Orthodox kristan jion reak jos tei do Isorak gun sobhao re barti kay tebon pherao idi (2 Korinthiko 3:18), ar nonka huyuk lagit, kai khon kastaok do adi jarur gea. Noa cando, dela kai khon kastaok lagit mit bar jinis re thora mone bon lagao tabona.

1. Kai khon kastaok do jaoge cekay idiy jinis kana:

Je leka mander ren miten adi namdak Saint e roṛ akat, "jiwedok lagit eken barya ge dhara henaka: Ek do abo ban kai jarur kan tabona ar ban khan do judi bon kai yeda, tobe, abo do kai khon kastaok jarur kan tabona. Noa ge bancao nam reak eken miten dahar kana."

Ar cedak je abo ko mod re okoe then ho alo bon kai reak dare do banuk tabona, abo joto ko (mimit ko) ge kai khon kastaok jarur kan tabona. Kai khon kastaok redo aboak mareak dahar ko bon bagiak kana ar Masiak dahar bon panjay reak sana reak jarur parak kana, je leka Sonot Jiu aboye uduk abon kana abo do okatak jinis re pheraok jarur kan tabona. Ona iate etohop mander ren baba ko (agil hapram ko) Jisua koejon " Probhu Jisu Masi, Isor ren Hopon in kai hor mayā wan me" ko dohrayei tahē kana. Ar abo do tin rebon nonkayeda, tobe Isor do aboye saphayei bon te ona reak roṛ ruare emok kana. Saint Johane lay abon kana je noa do cei lekaye kamiyei kana. " Aboak kai kobon angoc lekhan, ende khan uni do patiar are dhorom gete kai koe ika kata bona, ar sanam bedhorom khone sapha bona" (1 Johan 1:9).

2. Ere kastaok bagi me.

Saint Johan Bapptisi okte re dhorom hor ko numugok jihudi akoak bancao ar jaijug reak rukhia nam lagit Abraham ren bos huyuk reak bhorsa ko dohoyei tahē kana. Ona iate, onkoak kai khon kastaok do eken ere (aoriyak) ge tahen kan tahena, ar ona reak kurai leka te onkoak jion re jahan pherao ge ban hec lena. Saint Johan Bapptisi ak onko Israel hor ko lagit miten sombad tahē kana: " Ar mon re memen do alo pe portona, Abraham ge baba menae talea mente ; enter metape kana, Isor do noa ko dhiri khon Abraham lagit hopone tenge dare akua" . (St. Luke 3:8).

Oka - oka do abo hõ calao paromen din rebon nám akat' jiu seak' atkar tet' reak' bon andun bon larcar eda, jaoge kai khon kastaok' idik' reak' dam tet' bon nel got' kak' kana, ar abo bhitri re henay bidin hewa ko sec' met' kããk' kan tabona.

Ona reak' kurai leka te, abo do aboak' jion re aima his re jiu sec' te babo jo baha dareak' kana; Ar abo lagit' Isorak' doho akat' pontha ko ban purak' kana; abo do ona aima kurai ko khon bon eranok' kana oka do Isor abo ema bon sanayedi kana; ar abo do noã dharti re Probhu Jisu Masi onka do babo sodor dareae kana cet' leka sodor jaruri kana.

3. Sari kastao: "Mariak' dahar" ko Masiak' Jion tebon pheraoet' kana. Cet' noã ohmã, hiska, khuriã tet', be-kusik' tet', etak' horak' okta cinta, hor ere ko, hukum bebatao, baric colon ko, hor ban ika ko reak' mon, apnarak' porho sendra barai reak' mon, pura puri ban jimak', teigo daram, laloc mon, hor then herem herem ro se udugok'? Pasec' amak' "mariak' dhara" noã suci re banuka, men khan amem badaya je ona ko do cet' cet' ko kana.

Sari ge kai khon kastaok' ar noã ko bidin bebohar (dahar) ko sangin ar Probhu Masi re henak' jion horok' jon reak' gotae me, je leka Saint Pauluse ol akat': Dela bon nut' reak' kami ko bon sangin mã ar Probhu Jisu Masi bon horok' jon mã. Aboak' jion reak' mari dharako babot' redo, am mari sobhao (gun) kom ika gidi kak' kana ar nãwã gun kom horok' jon kana, oka do Isorak' sobhao re, sariak' tet' reak' dhorm ar sonot reye sirjau akan (Romiko 13:12,14;Ephisiko 4:22,24).

Masire in ren dularia gidrako, dela abo do noã tis hõ alo bon heren je bancao do dinam din reak' kami kana. Ona iate dela bon abo do botor ar thar tharao ate aboak' bancaok' reak' kami bon purao tabon reak' bon kurumutuy. (Philipiko 2:12).

Dela bon, Bharot disam reak' Manipur re henak' ko boeha ar misera koak' rukhia ar suluk hec' ruarok' lagit' bon koejon idiy.

Sonot mandar reak' sap-dap kami re,

Date: 18 August 2023

Masi re aperen Baba

Place: Holy Synod

Athanasius Yohan I Metropolitan